



Il mas-chalch da Sent

Publicaziuns ufficialas. Cumpara seguond bsögn.

2006/2008

no. 41

7554 Sent, 1. november 2007 / mw

Publicaziun da fabrica BAB

Reguarda: Indriz solar, Saranschasch 293 A-A, parc. no. 1227

Patrun da fabrica: Caviezel Corina & Men, Saranschasch 293 A, 7554 Sent

Profilà: --

Publicaziun: 01.11.2007

Termin da protesta: 21.11.2007

Publicaziun da fabrica

Reguarda: Pensla da vaider, Via Sura 585, parc. no. 446

Patrun da fabrica: Neuhausler Monika, Via Sura 585, 7554 Sent

Profilà: 13.10.2007

Publicaziun: 01.11.2007

Termin da protesta: 21.11.2007

Publicaziun da fabrica

Reguarda: Müdamaints interns, La Chavorgia 91, parc. no. 206

Patrun da fabrica: de Weck Claudia & Roger, Rütistrasse 22, 8032 Zürich

Profilà: --

Publicaziun: 01.11.2007

Termin da protesta: 21.11.2007

Publicaziun da fabrica

Reguarda: Suogliar porta da garascha ed ingrondir porta da chasa,
Sot Pradè 131 parc. no. 227

Patrun da fabrica: STWEG Sot Pradè 131, 7554 Sent

Profilà: --

Publicaziun: 01.11.2007

Termin da protesta: 21.11.2007

Ediziun: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischiun da fabrica

Marchà da prümvaira a Therwil

„Därwiler Märt“

Tras l'intermediaziun dal Padrinadi per cumüns da muntogna haja dat il prüm contact dal cumün da Therwil cun Sent. La suprastanza dal cumün da Therwil ha lura decis d'entrar illa dumonda e da pajar fr. 25'000.--l'on, q.v.d. fr. 100'000.-- (4 ons) vi da la terza etappa in Palüzot, ingio ch'id es cumprais la piazza da giovar. Il prüm inscunter ha gnü lö d'incuort a Sent, ed i's ha pudü passantar duos bels dis cun els (prossmamaing vegnan missas las fotografias aint l'internet). Previss esa dad organisar inscuters eir tanter la populaziun e da societats dals duos cumüns.

Als **26 avrigl 2008** ha lö in nos cumün da padrinadi, Therwil, ün marchà da prümvaira. Ils cumüns da Therwil e da Sent chattessan cha quai füss üna bun' occasiun d'ans pudair preschantar. Da tuot ils affars o eir privats chi han interess da's preschantar a quella faira, spettaina gugent ün'annunzcha. Annunzchas piglia incunter il büro cumünal da Sent.

Infuormaziuns sur dal cumün da Therwil as chatta suot la pagina www.therwil.ch.

Cumün da Therwil
Cumün da Sent

Müdada dals uraris da las votumaziuns

80% da las persunas chi sun legitimadas da vuschar fan adöver da la votumaziun in scrit. Uschè cha'l Cussagl cumünal decida da redüer las votumaziuns a l'urna seguaintamaing:

- Votumaziuns a l'urna han lö be amo la dumengia, e quai sco fin uossa da las 9.30 - 10.30.
- Gövgia e venderdi avant il di da la votumaziun daja la pussibiltà da vuschar cun üna busta serrada neutrala pro'l fanestrigl da la cancellaria cumünala e quai da las 09.30 – 10.30.
- Tuots quels chi fan adöver da la votumaziun in scrit pon retuornar la busta da consegna per temp e francada sün via postala; opür tilla metter aint illa chartera da la chasa cumünala, (infin al di da la votumaziun.)

Grazcha fich.

Chancellaria cumünala

Avis: deponia La Fuorcha

Causa cha la barriera es rotta, e chi mancan plüssas clav da La Fuorcha, giavüschaina a quels chi possedan amo clav, da restituir quellas fin il plü tard gövgia als 15 november 2007. **Davo quist termin nu vegnan ils frs. 20.00 depot plü restituits.**

Chancellaria cumünala

Avis als possessurs da chans

Il Cussagl cumünal giavüscha als possessurs da chans da far adöver dals indrizs chi cuntregnan sachins per cleger sü la merda dals chans. Quels sun montats in divers lös in ed intuorn cumün per cha las vias in cumün e las vias da spassegiar restan nettas e muossan ün plü bel purtret. I vain eir giavüschà als possessurs da chans da na laschar girar lur chans sainza patrun per cumün intuorn. Causa cha plüs genituors as fan pissers per lur uffants, giavüschaina da tgnair lur chans in manaistra.

Cussagl cumünal

Proget da chant

La scoula da Sent ha il böt da realisar ün proget da chant per scolars da 5-9avla classa e per creschüts da nos cumün. Quel proget dess svagliar il plaschair vi dal chant e la musica e promover la cumünanza. Sco culminaziun vaina previs d'organisar ün concert illa baselgia da Sent (data: sonda, 24 mai 08).

Program:

- 1.part: chanzuns dal muond cul pais sün chanzuns africanas
- 2.part: accompagnamaint da chanzuns da la gruppa da roc „bündnerflAisch“

Las prouvas culs scolars han lö d'ürant las uras da chant, quellas culs creschüts il lündeschdi saira. I darà in mincha cas 2-3 prouvas cumünaivlas suot la guida da Jachen Janett chi dirigerà eir il concert!

Prüma prouva per creschüts ed orientaziun: lündeschdi, 12 november 07 / 20.15 scoula (saletta)

Sperond d'avair grond sustegn as salüdaing cordialmaing
Martina Nogglar (078 738 78 40) ed Andri Gritti (081 864 98 66)

Martina Nogglar e Andri Gritti

Predgina

Per uffants da la scoula e plü pitschens. **Marcurdi da las 17.00 – 18.00 in chasa da pravenda** e quai dals 14 november – 12 december. Nus quintain ün'istorgia da la Bibla o d'Advent ed approfondin quella cun giovar e zambriar. Manader: rav. Jörg Büchel cul agüd da confirmands.

La pravenda

Reavertüra – Sport Champatsch

La butia Sport Champatsch es d'archeu averta davent dals:

10 november 2007 da las	9.00 – 11.00 e da las	16.00 – 18.00, dumengia serrà.	
A partir dals	15 december 2007 da las	8.00 – 12.00 e da las	15.00 – 18.00
dumengia		8.30 – 10.00 e da las	16.00 – 18.00

No ans allegrain sün vossa visita.

Team Sport Champatsch

Da vender brikets:

Da vender brikets da legna per s-chodar, 1. sach à ca. 30 kg. pel predsch da frs.10.00 al toc. La furniziun vegn fatta gratuitamaing. Infuormaziuns plü detagliadas da il nomer da telefon 081 864 17 66.

Schweizer AG Sent

Avis: Chi savess dovrar alch roba?

La chasa no. 91 in Bügliet – Chavorgia vain renovada dadaintvart. I vegn tut oura 2 bogns, la chadafö ed otras robas, implü alch mobiglia. Tuot roba amo dovrabla. Sch'inchün savess dovrar alch (**tuot gratuit**) per plaschair s'annunzchar suot il no. da telefon 081 864 06 81, Cla Sarott.

Dr. R. + C. de Weck

Trar adimmaint - reservar data per ballarait

Id es fingià plü o main tradiziun; la seguonda fin d'eivna da december es la fin d'eivna chi's sto reservar pel turnier da ballarait da Sent. Eir quist on faina il turnier, dimena laschai liber in voss'agenda la data dals 8 e 9 da december per quist evenimaint.

Circa mità da november tachaina oura ils placats culs detagls per s'annunziar.

Martina Nogglar

Giantar cumünaivel


Gövgia, als 15 november i'l restorant Fontana. Annunzchas pro duonna Erica Clalüna, tel. 081 864 07 59 Minchiün es bainvis!

11 november: Di da schoppa: Pan per tuots – daplü co ün giavüsch

11.00 Cult divin

12.00 Giantar in chasa cumünala. Grazcha a l'ingaschamaint da noss preparands e confirmands e da bliers oters in tuot il muond as diminuischa la fom. Da l'organisaziun da Pan per tuots e da seis progets ans quinta duonna Christine Luginbühl, incumbenzada da la Baselgia refuormada per la OEME – ecumena, svilup e mischiun.

La Corporaziun evangelica



Grotta da cultura e Scuola da musica

Als 14 november 2007 a las 20.15 h. Our dal film “**Musik muss sein**” cun discussiun e musica. Sco cha'l film muossa, as po far musica in tuot las etats. E la musica es il meglider mez per mantegner las capazitats dal tscharvé. Cun Roberto Donchi, manader da la scuola da musica, Beate Göller ed Ida Zisler

Grotta da Cultura

Als 16 november 2007 a las 20.15 h. concert cul guitarrist e chantadur Julian Amacker

Als 17 november 2007 da las 17.00 – 19.00 vernissascha Sent Art cun Dora Erny, Tina Puorger, Ursina Gianotti, Gian Albertini, Werner Graf, Rodolfo Pol e Gisep Stricker

Als 30 november 2007 a las 20.15 Sairada cul tema Chasper Po cun Cla Riatsch, Nical Stupan e Mario Pult

Grotta da Cultura

Butia Schlerin



Café creativ

Activitats

Butia Schlerin



Café creativ

**Exposiziun da Nadal davent dals 5 november
cun üna pruna ideas per nadal**



Cuors per creschüts

15 november 07

Urari e dürada:

Lö:

Cuosts:

Annunzchar:

Decoraziuns ed arrandschamaints da nadal

19.30 – 22.00 h

Butia Schlerin Café creativ, Sent

Fr. 25.00 + material

fin als 13 november 07



23 november 07

Urari e dürada:

Lö:

Cuosts:

Annunzchar:

Crear seis agen tapet per davant chasa

20.00 – 22.00 h

Butia Schlerin Café creativ, Sent

Fr. 25.00 + material

fin als 19 november



Cuors per uffants

14 november 2007

Urari:

Lö:

Cuosts:

Annunzchar:

Crear seis agen tapet per davant chasa

14.00 – 16.00 h

Butia Schlerin Café creativ, Sent

Fr. 20.00

fin als 12 november



28 november ed ils 5 december 2007

Urari:

Lö:

Cuosts e dürada:

Annunzchar:

Ufficina da Nadal per uffants

14.00 – 17.00 h

Butia Schlerin Café creativ, Sent

Fr. 18.00 pro davomezdi

fin als 27 november e fin als 4 december

Uraris d'avertüra / Öffnungszeiten

Lündeschdi e Mardi

9.00 – 11.30 h

Marcurdi – Venderdi

9.00 – 11.30 h 14.00 – 17.30 h

Butia Schlerin Café creativ, Chasellas 61, 7554 Sent 081 864 81 05

www.schlerin.ch